



**პროგრამის არხი:**

ევროკავშირი Erasmus+ პროგრამის ფარგლებში აფინანსებს ევროპის სულ მცირე სამი ქვეყნის უნივერსიტეტების მიერ შემუშავებულ სამაგისტრო პროგრამებს. კერძოდ, საგრანტო თანხა ფარავს ამ პროგრამების განხორციელების ადმინისტრაციულ ხარჯებს და სტუდენტთა სტიპენდიებს. პროგრამის მომზადებასა და განხორციელებაში შესაძლოა მონაწილეობა მიიღოს ასევე არაევროპულმა ქვეყნის უნივერსიტეტმაც. ევროპული უნივერსიტეტები წარადგენენ მათ მიერ მომზადებულ სამაგისტრო პროგრამებს ერაზმუსის კონკურსზე და გამარჯვების/დაფინანსების შემთხვევაში აცხადებენ სტუდენტების მიღებას გვიან შემოდგომაზე (კონკურსის ვადები განსხვავებულია პროგრამების მიხედვით და მათ ვებგვერდებზე ქვეყნდება). ანუ სტუდენტს, რომელსაც სურს ერაზმუსის სამაგისტრო პროგრამაში მონაწილეობა, შეუძლია პროგრამის არჩევა მხოლოდ წინასწარ განსაზღვრული ჩამონათვლიდან.

მიმდინარე სამაგისტრო პროგრამების სია: [https://eacea.ec.europa.eu/erasmus-plus/library/scholarships-catalogue\\_en](https://eacea.ec.europa.eu/erasmus-plus/library/scholarships-catalogue_en)

გაითვალისწინეთ, რომ სამაგისტრო პროგრამების სია განახლდება ყოველი წლის შემოდგომაზე!

სასწავლო პროცესი მიმდინარეობს სამაგისტრო პროგრამაში მონაწილე სულ მცირე ორ ევროპულ უნივერსიტეტში (ევროპის შიგნით მგზავრობის ხარჯებს პროგრამა ანაზღაურებს).

სამაგისტრო პროგრამის მოცულობა შეიძლება იყოს 120, 90 ან 60 ECTS კრედიტი, შესაბამისად სწავლის ხანგრძლივობა შეიძლება მერყეობდეს ერთ და ორ წელს შორის. პროგრამების უმრავლესობა ინგლისურენოვანია.

სამაგისტრო პროგრამის დასრულების შემდეგ გაიცემა ან ერთობლივი (Joint Degree), ან მრავლობითი (Multiple Degree) აკადემიური ხარისხი. საზღვარგარეთ მიღებული აკადემიური ხარისხების აღიარების პროცესს საქართველოში განათლების ხარისხის განვითარების ეროვნული ცენტრი ([www.eqe.ge](http://www.eqe.ge)) ახორციელებს.

**კონკურსში მონაწილეობის წესები:**

ერთ აპლიკანტს ერთდროულად შეუძლია განაცხადის გაზავნა მაქსიმუმ სამ პროგრამაზე. აპლიკანტი განაცხადს აგზავნის პირდაპირ პროგრამის მაკოორდირებელ უნივერსიტეტში. წინასწარ უნდა დაადგინოთ ყველა დეტალი სწორედ მაკოორდირებელ უნივერსიტეტთან, რამდენადაც კონკურსის წესები შეიძლება პროგრამების მიხედვით განსხვავებული იყოს.

**დამუშების პირობები:**

ერაზმუსის სამაგისტრო პროგრამაზე მიიღება იმ პირთა სააპლიკაციო განცხადება, რომლებსაც უკვე მოპოვებული აქვთ ბაკალავრის ან მასთან გათანაბრებული აკადემიური ხარისხი. ზოგი პროგრამა უშვებს გამონაკლისს და ბაკალავრიატრს დამამთავრებელი კურსის სტუდენტებისგანაც იღებს განაცხადს.

თუ თქვენ უკვე გქონდათ მაგისტრატურის საფეხურზე მიღებული ერაზმუსის სტიპენდია, ან ევროკავშირის სხვა სახის დაფინანსება, ამ პროგრამაზე დაიშვებით სხვა ფინანსური პირობებით (შემცირებული სტიპენდიით).

**ინფორმაცია საბუთების შესახებ (მინიმალური მოთხოვნა):**

- CV (გირჩევთ გამოიყენოთ Europass ფორმატი)
- უკვე მიღებული აკადემიური ხარისხის დამადასტურებელი საბუთი ან ცნობა სტუდენტობის შესახებ - გააჩნია პროგრამის მოთხოვნებს
- ენის საერთაშორისო აღიარებული სერტიფიკატი, სულ მცირე B2 დონის - მაგრამ რეალურად კონკურენციის გათვალისწინებით C1
- სამოტივაციო წერილი
- სარეკომენდაციო წერილ(ებ)ი

**ინფორმაცია დაფინანსების შესახებ:**

კონკურსში გამარჯვების შემთხვევაში სტუდენტი იღებს სტიპენდიას (1000 Euro თვეში). პროგრამა ასევე ფარავს სწავლის საფასურს, ვიზის, დაზღვევის და მგზავრობის ხარჯებს.

**რას უნდა მიაქციოს ყურადღება აპლიკანტმა:**

- მიუხედავად საერთო მახასიათებლებისა, ყველა პროგრამას აქვს ინდივიდუალური მოთხოვნები - აუცილებლად გადაამოწმეთ დეტალები პროგრამის ვებგვერდზე. დამატებით მიმართეთ პროგრამის საკონტაქტო პირს.

- აპლიკანტების მიღება პროგრამაზე ცხადდება ორჯერ - ერთხელ სტიპენდიის მაძიებელთათვის და ერთხელ მათთვის, ვისაც სტიპენდია არ სჭირდება. Deadlines არის განსხვავებული და ეს არ უნდა აგერიოთ.

- ჩვენ ვერ/არ გამოვაქვეყნებთ ჩვენს ვებგვერდზე ყოველი ცალკეული სამაგისტრო პროგრამაზე საბუთების მიღების ვადებს (100-ზე მეტი პროგრამა), ასე რომ თავად აპლიკანტებმა უნდა ადევნონ თვალყური მათთვის საინტერესო პროგრამების ვებგვერდებს.

- როგორც წესი, მიღება ცხადდება შემოდგომაზე, საბუთების მომზადებისათვის სამი-ხუთი თვეა, საბუთების წარდგენის ვადები - გვიანი შემოდგომა, ან მომდევნო წლის იანვარი-მარტი. შეტყობინება სტიპენდიის მიღების შესახებ - ყველაზე გვიანი მაისში. სწავლა იწყება აგვისტო-ოქტომბერში (გააჩნია პროგრამას)

**დამატებითი ინფორმაცია:**

QR კოდით გადახვალთ შესაბამის ვებგვერდზე, სადაც თავმოყრილია სხვა სასარგებლო რესურსები. ინფორმაცია ვებგვერდზე მუდმივად განახლდება.



**საკონტაქტო ინფორმაცია**

- erasmus.georgia@gmail.com
- <http://erasmusplus.org.ge>
- National Erasmus+ Office Georgia

**Erasmus+**

**სამაგისტრო პროგრამები  
(Degree Mobility)**

